

REGLUGERÐ

um breytingu á reglugerð nr. 177/1985 um búnað og hreinlæti í fiskvinnslustöðvum.

1. gr.

22. gr. 2. mgr. rg. nr. 177/1985 um búnað og hreinlæti í fiskvinnslustöðvum orðist svo: Lofthitastigi í saltfiskkælum skal haldið milli 0°C og +4°C. Kælar fyrir saltfisk skulu vera þannig búnir að hægt sé að halda lofthitastigi milli 0°C og +4°C. Í geymsluhúsnæði fyrir léttverkaða síld skal lofthitastigi haldið milli -5°C og +4°C.

2. gr.

Reglugerð þessi er sett samkvæmt lögum nr. 53, 30. maí 1984 um Ríkismat sjávarafurða. Reglugerð þessi öðlast þegar gildi. Þó skal ákvæði 2. mgr. 1. gr. ekki öðlast gildi fyrir en 1. september 1988.

Sjávarútvegsráðuneytið, 17. september 1986.

F. h. r.

Árni Kolbeinsson.

Gylfi Gautur Pétursson.

SAMÞYKKT

um hundahald í Bolungarvíkurkaupstað.

1. gr.

Hundahald er bannað í lögsagnarumdæmi Bolungarvíkurkaupstaðar.

2. gr.

Bæjarstjórn er heimilt að veita lögráða einstaklingum sem búa í Bolungarvík undanþágu frá 1. gr. og leyfi til hundahalds með eftirfarandi skilyrðum:

- Leyfi er bundið við nafn og heimilisfang lögráða einstaklings og er óheimilt að framselja það.
- Ef sótt er um leyfi til að halda hund í sambylishúsi, skal skriflegt samþykki sameiganda/stjórnar húsfélags í húsinu fylgja umsókn.
- Leyfisgjald vegna undanþágu skal greiða til bæjarsjóðs og setur bæjarstjórn árlega gjaldskrá, (að fenginni tillögu heilbrigðisnefndar) sem heilbrigðisráðherra staðfestir. Gjaldið skal greitt í fyrsta sinn við skráningu hundsins og síðan árlega með gjalddaga 1. mars. Hafi gjaldið eigi verið greitt innan mánaðar frá gjalddaga fellur leyfið úr gildi.
- Hundeigandi skal hafa hund sinn ábyrgðartryggðan hjá viðurkenndu váttryggingarfélagi. Váttryggingin skal ná til alls þess tjóns, sem dýr hans kann að valda á mönnum og munum. Lámærstryggingaupphæð verði kr. 10 000 000,00.
- Hundurinn skal ávallt bera ól með plötu um hálsinn. Á plötuna skal greypt skráningarnúmer hundsins.

- f. Hundurinn skal aldrei ganga laus á almannafæri, heldur vera í taumi í fylgd aðila sem hefur fullt vald yfir honum. Hundeigendum er skylt að sjá svo um að hundar raski eigi ró manna með hávaða eða gelti, eða verði mönnum til óþæginda á annan hátt. Þegar hundar eru í festi á húsalóðum skal lengd festarinnar við það miðuð að óhindrað megi ganga um dyr íbúðarhúsa. Eigi er leyfilegt að fara með hunda inn í skóla, íþróttahús, sjúkrastofnanir, sundstaði, almennar skrifstofur, samkomuhús og verslanir, svo og starfstöðvar hverju nafni sem nefnast, þar sem úrvinnsla, meðferð, eða geymsla matvæla á sér stað. Hundeigendum ber að viðhafa hreinlæti í meðferð hunda sinna, þar á meðal að þrifa eftir dýrin.
- g. Heimilt er bæjarstjórn að fenginni tillögu heilbrigðisnefndar að ákveða lægra gjald fyrir nauðsynlega minkahunda, leitarhunda og sporhunda. Af hundum sem blindir menn og öryrkjar þurfa á að halda vegna fötlunar sinnar og smalahundum á lögbýlum skal ekkert gjald greiða.
- h. Við greiðslu gjalds skv. þessari grein og c—lið 2. greinar ber hundeiganda að sýna fullgild skilríki fyrir greiðslu váttryggingargjalds skv. d—staflíð þessarar samþykktar, vottorð dýralæknis um að hundur sé ekki haldinn smitandi sjúkdómi og hafi verið hreinsaður af bandormum, svo og önnur skilríki sem máli skipta samkv. lögum um hundahald og varnir gegn sullaveiki svo og fyrirmælum sem bæjarstjórn setur varðandi hunda.

3. gr.

Umsókn um leyfi til hundahalds skal senda á þar til gerðum eyðublöðum ásamt litmynd til heilbrigðisnefndar Bolungarvíkur sem gefur út umbedið leyfi að fengnu samþykki bæjarstjórnar. Upplýsingar um hundinn skal færa í þar til gerða bók hjá heilbrigðisnefnd. Þar skal skrá heiti, aldur, kyn, tegund, litarhátt og önnur einkenni hundsins. Þar skal einnig skrá nafn og heimilisfang leyfishafa. Senda skal embætti bæjarfógetans í Bolungarvík afrit af leyfisbréfi. Leyfishafi fær afhenta merktu plötu sbr. f—staflíð 2. gr., og eintak af samþykkt um hundahald í Bolungarvíkurkaupstað.

4. gr.

Hundaeftirlitsmaður skal verða starfandi í Bolungarvíkurkaupstað. Skal hann gefa bæjarstjórn og heilbrigðisnefnd árlega skýrslu um hundahald í Bolungarvíkurkaupstað og starf sitt vegna þess.

5. gr.

Ef leyfishafi brýtur alvarlega eða ítrekað gegn ákvæðum samþykktar þessarar eða öðrum reglum, sem um hundahald gilda afturkallast leyfið. Einnig getur bæjarstjórn afturkallað öll leyfi til hundahalds telji hún þess brýna þörf. Við fyrsta brot, ef lítilvægt er, skal að jafnaði veita leyfishafa áminningu.

6. gr.

Þeir hundar sem ekki er leyfi til að halda, eða hundar sem ganga lausir utanhúss, skulu handsamaðir. Kostnaður við töku og geymslu hunda skal að fullu greiddur af eigendum. Hættulegum hundum er heimilt að lóga þegar í stað, að höfðu samráði við héraðsdýralækni. Aðra hunda er heimilt að afhenda, ef leyfi er framvísað innan 7 daga frá því hundurinn kom í vörslu hundaeftirlitsmanns, enda verði greitt sérstakt handsömunargjald sem bæjarstjórn ákveður í gjaldskrá samkv. c—staflíð 2. gr. Að öðrum kosti skal hundinum lógað.

7. gr.

Um önnur atriði svo og brot gegn samþykkt þessari eða gegn reglum settum samkvæmt þeim fer skv. lögum nr. 109/1984 um hollustuhætti og heilbrigðiseftirlit.

8. gr.

Ofangreind samþykkt bæjarstjórnar Bolungarvíkur staðfestir hér með skv. lögum nr. 109/1984 um hollustuhætti og heilbrigðiseftirlit og 1. gr. laga nr. 7/1953 um hundahald og varnir gegn sullaveiki til þess að öðlast gildi þegar í stað. Jafnframt fellur úr gildi fyrri samþykkt um hundahald í lögsagnarumdæmi Bolungarvíkur frá 18. okt. 1983.

Ákvæði til bráðabirgða.

Að liðnum 3 mánuðum frá gildistöku samþykktar þessarar skal fara með alla óskráða hunda samkvæmt ákvæðum 6. gr. samþykktarinnar.

Heilbrigðis- og tryggingamálaráðuneytið, 26. september 1986.

F.h.r.

Ingimar Sigurðsson.*Soffía Magnúsdóttir.***GJALDSKRÁ**

**fyrir hundahald í Bolungarvíkurkaupstað fyrir tímabilið 1. ágúst
1986 til 1. mars 1987.**

1. gr.

Leyfisgjald vegna undanþágu til hundahalds, sbr. c-staflið 2. gr. samþykktar um hundahald í Bolungarvíkurkaupstað frá 26. september 1986, skal vera fyrir hvern mánuð eða brot úr mánuði kr. 200,00.

Gjald greiðist fyrirfram fyrir allt tímabilið, þ. e. a. s. til 1. mars 1987.

2. gr.

Handsömunargjald skv. 6. gr. ofangreindrar samþykktar skal vera kr. 1 500,00 í fyrsta skipti, kr. 3 000,00 í annað skipti og kr. 5 000,00 í þriðja skipti.

3. gr.

Ofangreind gjaldskrá bæjarstjórnar Bolungarvíkur staðfestist hér með samkv. 22. gr. laga nr. 109/1984, um hollustuhætti og heilbrigðiseftirlit.

Heilbrigðis- og tryggingamálaráðuneytið, 6. október 1986.

F. h. r.

Ingimar Sigurðsson.*Soffía P. Magnúsdóttir.*